

Gvangjsih Minzcuz Bau

ganhhau: CN45-0036 B.2014 Nd.1 Ng.22 liggaueq gveiqceih nienz ndwenlab ngeihngeih

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3108期

Bi'gvaq Gih Raeuz Hong Minzcuz Nem Minzcuz Yijvwnz Caiq Ndaej Cingzcik Ndei

去年全区民族民语工作再创佳绩

Bonjbauq siusik(gicej Dangz Lungz) 1 nyied 14 hauh banhaet, Daengx Gih Minzvej Minzyijvej Hidungj Gunghcoz Veiyei aeu sibinz veiyei hingzsi hai, Swcigih Minzvej、Minzyijvej cujyin Luz Yenbenj youq gwnz hoih cienz gij vah Cunghyangh、swcigih lingjdauj gangj de nem daengx guek minzvej cujyin veiyei cingsaenz, cunggez bi'gvaq daengx gih minzcuz minzyijvwnz gunghcoz, anbaiz bineix daengx gih minzcuz minzyijvwnz gunghcoz. Baez hoih neix youz Swcigih Minzvej fucujyin Vuz Daivei cujiz.

Luz Yenbenj naeuz, bi'gvaq, gih raeuz hong minzcuz aeundaej cingzcik moq. It dwg nyinhcaen rapdawz aen cwzyin daeuz henhoh doxgiet, haenqrenz laebmaenh cungj seveicujyi minzcuz gvenhaeh doengzbingz doxgiet doxcoengh huzndei de. Ngeih dwg gaenjmaed hopheux aen yinvu daeuz gyavaiq fazcanj, cizgiz coi gij dieg saujsu minzcuz comzyouq de ginghci sevei fazcanj. Gih raeuz bi'gvaq ndaej guekgya hawj cienzngaenz fazcanj saujsu minzcuz 2.065 ik maenz, swcigih hawj cienzngaenz fazcanj saujsu minzcuz 2000 fanh maenz, demgya gig lai. Sam dwg daengx gih minzcuz yijvwnz gunghcoz aeundaej cingzcik moq. Sawcuengh fanhoiz fuzvu nem sinhvwnz okbanj gunghcoz ndaej caenh'itbuh gyagiengz. 《Gvangjsih Minzcuz Bau》nem 《Sam Nyied Sam》gij hong bien nem okbanj aeundaej cingzcik moq, miz diemjrongh. Seiq dwg haenqrenz doihaej seveiva gunghcoz, roengz-



renz comz gij rengz ndawbiengz daeuz coengh guhhong. Haj dwg aeu daezsang guhhong suijbingz guh muzbyauh, nyinhcaen gag gyagiengz gensez ndei song vej, gij hong minzcuz siusik caiq ndaej cingzcik moq. Bi'gvaq gih raeuz youq daengx guek minzvej hidungj siusik gunghcoz bingzbeij ndawde ndaej "lienndaemh seiq bi daih'it", gij vangjan song vej gihgvanh nem 《Gvangjsih Minzcuz Bau》guh ndaej engq ndei.

Luz Yenbenj lij vixok youq seizdaih moq guh ndei hong minzcuz minzyijvwnz yaek gaemmaenh haj aen fuengmienh, caemhcai doiq bineix song vej guh hong daezok iugouz moq.

Swcigih Gijvej baij youq Swcigih Minzvej Gijjenjcu cujcanj Siuh Siengzvaz youq gwnz hoih guh

dangfungh lenzcwng baugau. Baez hoih neix lij dughbau nem byaujcangh doengh'aen cizdij nem doenghboux ndaw minzvej hidungj ndaej ngeihdaengigoeng de、ciemdingh danghfungh lenzcwng gensez cwzyinsuh nem byaujcangh gij senhcin cizdij nem bouxvunz bi'gvaq guh hong siusik gig ndei de.

Swcigih Minzvej、Minzyijvej lingjdauj nem daengxcungq ganbu cizgungh nem doenghboux lingjdauj cizsuz danhvei, Nanzningz Si Minzvej daengxcungq ganbu cizgungh nem ndaw si gak yienh(gih) minzcuz、minzyij、gijjenj bumwnz doenghboux fucwz caeuz doenghboux mizgven daengj gungh 200 lai vunz youq Nanzningz camgya baez hoih neix.

Ndaw gih gak si、yienh(gih) laeb faen hoihciengz.

Gih Raeuz Dingh Bineix Ciet Sam Nyied Sam Ngoenz Lawz Cuengqgyaj 我区确定今年“壮族三月三”放假时间

Bonjbauq siusik(gicej Dangz Lungz) Ciuq Gvangjsih Sinhvwnz Vangj siusik, 1 nyied 13 hauh, Swcigih Yinzminz Cwngfuj Ban-gungghdingh fatbuh aen dughceih gvendaengz 2014 nienz "Sam Nyied Sam Bouxcuengh" cuengqgyaj de. Aen dughceih neix dingh bineix ngoenzciet "Sam Nyied Sam Bouxcuengh" neix daengx gih youq 4 nyied 2 hauh daengz 3 hauh (liggaueq sam nyied cosam、coseiq) cuengqgyaj. Aen dughceih neix iugouz gak gaep

cwngfuj nem mizgven bumwnz daezsang yinsiz, cungfaen leihyungh dangdieg swhyenz, gyagiengz senhconz gij yiyei hungmbwk minzcuz cietgingq, caemhcai cujiz nem sonyinx guh hozdung ndawbiengz. Gij siusik neix okdaeuj le, daengx gih gak minzcuz beixnuengx cungj gig angq dwk hemq naeuz: "Ndaej laex gvaq cieng moq!"

Swcigih Dangiveij、Swcigih Yinzminz Cwngfuj dingh liggaueq "Sam Nyied Sam" guh ngoenzciet

youqgaenj conzdungj minzcuz, caemhcai cuengqgyaj 2 ngoenz. Neix couh ndaej hawj vunz lai swncienz nem hungzyangz gih raeuz gij minzcuz conzdungj vwnzva maenhndei, coicaenh gih raeuz seveicujyi cingsaenz vwnzmingz gensez, caenh-itbuh laebmaenh nem fazcanj cungj seveicujyi minzcuz gvenhaeh doengzbingz、doxgiet、doxcoengh、huzndei neix, coicaenh gak minzcuz doengz-caez doxgiet haenqguh, doengzcaeaz hoengghwd fazcanj.

SIUSIK DINJ

简 讯

● Bi'gvaq, Denhdwngj Yen cizgiz comzcienz guh suiqli gungh-cwngz, fazcanj ginghci, gajnde minzswng. Daengz dangqnaej, aen yienh neix gungh guh suiqli hanghmoeg 157 giz, guh sat suiqli roengzngaenz 1.1 ik maenz.

(Vangz Lilanz)

● Geij ngoenz gonq, Dasingh Yen Wnhcwngz Yangh fat fuz-hozfeiz hawj 22 hoh nungzyez gohgi sifan, moix hoh 50 goenggaen. Doengzseiz guh ndei hauej ranz sonyinx gisuz caemhcai cujiz gohgi sifanhu beizyin, cungdenj sonyinx baenzlawz fuengzre nonhai gooiy、haeuxyangz、lwgmak daengj.

(Linz Libingz)

● Daengz 2013 nienz 12 nyied ndawcib, Denzlinz Yen Yangzgvangh Gunghcwngz Beizyin Bangunghsiz gungh beizyin 1000 lai vunz guhhong lajmbanj, ndawde beizyin doenghboux nungzyez cienhangh gisuz 500 vunz, nungzyez cizyez ginaengz 500 vunz. Doenghboux camgya beizyin de cungj dwg vunz saujsu minzcuz, mizyauq dwk hawj gyoengqde daezsang dajndaem nem guhhong ginaengz.

(Banh Sauginh)

● Gaenh duenh seizgan daeuj, Sanhgyangh Duncuz Swciyen Duzdung Yangh ganbu nem ginzung doengzcaeaz roengzrenz coih Myauzvaz Lenbeiz Duncuz Giuzndojfwn. Aen giuz neix gaeng miz 156 bi nanz lo, giuz raez 65 mij, dwg doenghgij daibayauj vwnzva Duncuz.

(Yangz Mingz Moz Cinhsi)

● Geij ngoenz gonq, Nazboh Yen minzcuz dijuzygvanz youq dieg baihsae yienhsingz doenghgoeng lo. Ciuq cam rox, aen gvanj neix ciemq dieg 20.2 moux, guh baenz le ndaej caemhseiz guh 10 hangh dijuzy doxdax.

(Vangz Bizvaz)